



大西洋歐羅巴洲各國總叙



叙曰恭讀康熙五十有

年十月壬子

聖祖諭曰

海外如西洋等國千百年後中國恐受其累此朕逆料
之言夫康熙之世荷蘭効戈船定貢期意大里國備臺
官佐歷筭四海賓服而 大聖人已智周六合慮深

萬世何哉地氣自南而北聞禽鳥者知之天氣自西而
東驗海渡者知之大秦之名聞中國自漢世始大秦之
通中國自明萬曆中利馬竇始大秦者西洋之意大里
亞國也凡佛郎機葡萄亞之住澳門入欽天監皆意大

海國圖志卷之二十四 西洋
里開之爲天主教之宗國代有持世之教皇代天宣化
至今西洋各國王卽位必得教皇冊封有大事咨決請
命焉又請其大弟子數十分掌各國教事號曰法王教
皇猶西藏佛教之達賴刺麻而法王則猶住持蒙古各
部之胡土克圖
今澳門市埠屬葡萄亞國而其法王則亦意大里國人 故自昔惟
意大里亞足以綱西洋自意大里裂爲數國教雖存而
富強不競于是佛郎機英吉利代興而英吉利尤熾不
務行教而專行賈且佐行賈以行兵兵賈相資遂雄島
夷人知鴉煙流毒爲中國三千年未有之禍而不知水

戰火器爲沿海數萬里必當師之技而不知釀兵之厚
練兵之嚴馭兵之紀律爲綠營數十萬冗兵對治之藥
故今志于英夷特詳志西洋正所以志英吉利也塞其
害師其長彼且爲我富強舍其長甘其害我烏制彼勝
敗奮之奮之利兮害所隨禍兮福所基吾聞由余之告
秦繆矣善師四夷者能制四夷不善師外夷者外夷制
之

又案明萬歷二十九年意大里亞國人利瑪竇始
入中國博辯多智精天文中國重之自稱大西洋

之意大里亞人未嘗以大西洋名其國時佛郎機築城室于濠鏡及明季亦旋棄澳而去皆非今澳門大西洋澳門大西洋者明末布路亞人以歷法聞于中朝禮部尙書徐光啟奏用其法并居其人于澳門至今相沿呼澳夷爲大西洋國明史外國傳自當專立布路亞國一傳以著中歷用西法之始及澳門有大西洋之始乃僅一語附見意大里佛郎機傳中遂至今如墮雲霧其實大西洋者歐羅巴洲各國之通稱溥夷特其一隅不得獨擅也

以其洲言之則各國皆曰歐羅巴以其方隅言之則皆可曰大西洋以其人言之則皆可曰紅毛至澳門紀畧以今澳夷爲意大里亞國亦誤意大里但行教于澳其市舶兵船砲臺洋樓及歲輸地租則皆布路亞國主之無與意大里

歐羅巴與利未亞之分洲也以地中海界之而歐羅巴一洲復中亘一海其表幾與地中海相亞海北爲瑞璉大尼綏林四國北界冰海西史稱別一天下而是海獨無專名隨國立稱難以舉似今以

海國圖志卷二十四 西洋
洲中海名之猶朝鮮遼東之與登萊中隔渤海矣
而洲中海較渤海更爲延袤多有一國跨海南北
者

海國圖志目錄

大西洋歐羅巴洲

卷二十四

歐羅巴洲總沿革

原無
今補

卷二十五

布路亞國

一作葡萄牙亞一作博都
爾噶卽澳門大西洋國

卷二十六

大呂宋國

亦名斯扁國一作西班牙一
作是班牙一作以西肥尼亞

荷蘭及彌爾尼王國

卷二十七

佛蘭西國

一作佛郎機 一作佛朗西 一作佛蘭祭

海國圖志卷二十四

大西洋

邵陽魏源輯

大西洋各國總沿革

原無今補

後漢書大秦國一名犁鞬以在海西亦云海西國地方數千里有四百餘城小國役屬者數十以石爲城郭列置郵亭皆堊墍之有松栢諸木百草人俗力田作多種樹蠶桑皆髡頭而衣文繡乘輜輶白蓋小車出入擊鼓建旌旗幡幟所居城邑周圍百餘里城中有五宮相去各十里宮室皆以水精爲柱食器亦然其王日遊一宮

聽事五日而後徧常使一人持囊隨王車人有言事者
 卽以書投囊中王至宮發省理其枉直各有官曹文書
 置三十六將皆會議國事其王無有常人皆簡立賢者
 國中災異及風雨不時輒廢而更立受放者甘黜不怨
 今西洋荷蘭彌利其人民皆長大平正有類中國故謂
 堅等國尚用此俗之大秦土多金銀奇寶月夜光璧明月珠駭雞犀珊瑚
 琥珀琉璃琅玕朱丹青碧刺金縷繡織成金縷罽雜色
 綾作黃金塗火浣布又有細布或言水羊毳野蠶繭所
 作也即今之大呢合會諸香煎其汁以爲蘇合凡外國諸珍

異皆出焉以金銀爲錢銀錢十當金錢一與安息天竺
 交市於海中利有十倍其人質直市無二價穀食常賤
 國用富饒鄰國使到其界首有乘驛詣王都至則給以
 金錢其王常欲通使於漢而安息欲以漢繪綵與之交
 市故遮闔不得自達觀此語則知安息傳中所言土人告漢使齋三歲糧乃得渡海及海中使人思慕死亡之語皆安息人所以恫喝漢使不欲其通大秦也至桓帝延熹九年大

秦王安敦遣使自日南徼外獻象牙犀角瑇瑁始乃一
 通焉其所表貢並無珍異疑傳者過焉或云其國西有
 弱水流沙近西王母所居處幾於日所入也漢書云從

條支西行二百餘日近日所入則與今書異矣前世漢使皆自烏弋以還莫有至條支者又云從安息陸道繞

海北行出海西至大秦此即今都魯機及鄂羅斯相通之陸路人庶連屬

十里一亭三十里一置終無盜賊寇警而道多猛虎獅

子遮害行旅數百餘人齎兵器輒為所食又言有飛橋

數百里可度海北諸國所生奇異玉石諸物譎怪多不

經故不記云職方外紀口百爾西亞西北諸國皆為度爾格所并其地有一海長四百里度百里

命曰死海其西北有那多理亞國西界歐羅巴處中隔一海寬五里許昔有一名王曰失爾塞者造一跨海石

梁通連兩地今為風浪衝擊亦崩頽矣源案度爾格國在死海之西北界歐羅巴阿細亞兩洲之間今都魯機

國也所云跨海石梁正與此地望相准長止五里蓋塞外得水謂海之例未為不經而後漢書言飛橋數百里則傳聞之過也

晉書大秦國一名犁鞞在西海之西其地東西南北各

數千里有城邑其城周迴百餘里屋宇皆以珊瑚為椽

栴琉璃為牆壁水精為柱礎其王有五官其官相去各

各十里每旦於一宮聽事終而復始若國有災異輒更

立賢人放其舊王被放者亦不敢怨有官曹簿領而文

字習胡亦有白蓋小車旌旗之屬及郵驛制置一如中

州其人長大貌類中國人而胡服其土多出金玉寶物

明珠大貝有夜光璧駭雞犀及火浣布又能刺金縷繡及織錦縷屬以金銀為錢銀錢十當金錢之一安息天竺人與之交市於海中其利百倍鄰國使到者輒廩以金錢途經大海海水鹹苦不可食商客往來皆齎三歲糧是以至者稀少漢時都護班超遣掾甘英使其國入海船人曰海中有思慕之物往者莫不悲懷若漢使不戀父母妻子者可入

此皆彼土人夸誑之詞妄以地中海為大海

英不能渡

武帝太康中其王遣使貢獻

魏書大秦國一名黎軒安都城從條支西渡海曲一萬

里去代三萬九千四百里其海傍出猶渤海也而東西

與渤海相望蓋自然之理地方六千里居兩海之間

源案

自漢晉以來皆誤以地中海中為大西海故有齋糧數歲始達大秦之訛說獨魏書始知其海傍出猶渤海與中國渤海東西相望自古言地中海者莫先於此所云渡海曲萬里者以其縱長言之南北橫渡實止三千餘里所云地居兩海之間者大秦之北又有洲中海亦與地中海廣長畧半皆渤海非大西海也故言西域莫精於

魏書其地平正人居星布其王都城分為五城各分五里

周六十里王居中城城置八臣以主四方而王域亦置

八臣分主四城若謀國事及四方有不決者則四城之

臣集議王所王自聽之然後施行王三年一出觀風化

人有冤枉詣王訴訟者當方之臣小則讓責大則黜退令其舉賢人以代之其人端正長大衣服車旗擬中國故外域謂之大秦其土宜五穀桑麻人務蠶田多璆琳琅玕神龜白馬朱鬣明珠夜光璧東南通交趾又水道通益州永昌郡多出異物秦大西海水之西有河河西南流河西有南北山山西有赤水西有白玉山山西有西王母山玉為堂云從安息西界循海曲亦至大秦四萬餘里於彼國觀日月星辰無異中國而前史云條支西行百里近日入處失之遠矣

此皆能破舊史之妄

職方外紀天下第二洲曰歐羅巴南起地中海北極出地三十五度北至冰海出地八十餘度南北相距四十五度徑一萬一千二百五十里西起西海福島初度東至阿比河九十二度徑二萬三千里共七十餘國其大者曰倚西把尼國呂宋曰拂郎祭即佛蘭西也祭舊誤作察案祭音近機西其作察則形與今志同曰亞勒馬尼耶瑪曰法蘭得斯譌也曰意大利與今志同曰亞魯羅尼今并入西曰波羅尼波蘭曰翁加里都魯機曰大尼曰雪際國曰諾勿惹瑞曰厄勒祭北都魯機也即額力西三字之音轉曰莫哥斯未俄羅其地中海則有甘的亞諸島西海則有意而蘭大

諸厄利諸島云

諸厄利卽英吉利其意而蘭大亦其屬島

比歐羅巴洲內大

小諸國自國王以及庶民皆奉天主耶穌正教纖毫異學不容竄入國主互爲婚姻世相和好財用百物有無相通不私封殖其婚娶男子大約三十女子至二十外臨時議婚不預聘通國之中皆一夫一婦無敢有二色者土多肥饒產五穀米麥爲重果實更繁出五金以金銀銅鑄錢爲幣衣服蠶絲者有天鵝絨織金段之屬羊絨者有毯罽銷哈刺之屬又有苧蔴之類名利諾者爲布絕細而堅輕而滑大勝棉布做則可搗爲紙極堅韌

今西洋紙率此物君臣冠服各有差等相見以免冠爲禮男子二十以上概衣青色兵士勿論女人以金寶爲飾服御羅綺佩帶諸香至四十及未四十而寡者卽屏去衣素衣酒悉以葡萄釀成不雜他物其酒可積至數十年當生子之年釀酒至兒年三十娶婦時用之酒味愈美諸種不同無葡萄處或用牟麥釀之其膏油之類味美而用多者曰阿利襪是樹頭之果熟後卽全爲油其生最繁又易長平地山岡皆可栽種國人以法制之最饒風味食之齒頰生津在橄欖馬金囊之上其核又

海國圖志卷二十四西洋
可爲炭滓可爲糠葉可食牛羊凡國人所稱貴產蓄大
小麥第一葡萄酒次之阿利穢油又次之蓄牛羊者爲
下其國俗雖多酒但會客不以勸飲爲禮偶犯醉者終
身以爲詬辱飲食用金銀玻璃及磁器天下萬國坐皆
席地惟中國及歐羅巴諸國知用椅卓其屋有三等最
上者純以石砌其次磚爲牆柱木爲棟梁其下土爲牆
木爲梁柱石屋磚屋築基最深可上累六七層高至十
餘丈地中亦有一層既可窖藏亦可除濕瓦或用鉛或
輕石板或陶瓦凡磚石屋皆歷千年不壞牆厚而實外

氣難通冬不寒而夏不溽其工作如木工石工畫工塑
工繡工之類皆頗知度數之學製造備極精巧凡爲國
工者皆考選用之其駕車國王用八馬大臣六馬其次
四馬或二馬乘載騾馬驢互用戰馬皆用牡驢過則弱
不堪戰矣又良馬止飼大麥及稗不雜他草及豆食豆
者足重不可行此歐羅巴飲食衣服宮室制度之大畧
也

又曰歐羅巴諸國皆尙文學國王廣設學校一國一郡
有大學中學一邑一鄉有小學小學選學行之士爲師

中學大學又選學行最優之士爲師生徒多者至數萬人其小學曰文科有四種一古賢名訓一各國史書一各種詩文一文章議論學者自七八歲至十七八歲學成而本學之師儒試之優者進於中學曰理科有三家初年學落日加譯言辯是非之法二年學費西加譯言察性理之道三年學默達費西加譯言察性理以上之學總名斐錄所費亞學成而本學師儒又試之優者進於大學乃分爲四科而聽人自擇一曰醫科主療病疾一曰治科主習政事一曰教科主守教法一曰道科主

與教化皆學數年而後成學成而師儒又歲考閱之凡試士之法師儒羣集於上生徒北面於下一師問難畢又輪一師果能對答如流然後取中其試一日止一二一人一人遍應諸師之問如是取中便許任事學道者專務化民不與國事治民者秩滿後國王遣官察其政績詳訪于民間凡所爲聽理詞訟勸課農桑興革利弊育養人民之類皆審其功罪之實以告於王而黜陟之凡四科官祿入皆厚養廉有餘尙能推惠貧乏絕無交賄行賂等情其諸國所讀書籍皆聖賢撰著從古相傳而

一以天主經典爲宗卽後賢有作亦必合于大道有益人心乃許流傳國內亦專設檢書官看詳羣書經詳定訖方准書肆刊行故書院積書至數十萬卷毋容一字蠱惑人心敗壞風俗者其都會大地皆有官設書院聚書於中日開門二次聽士子入內抄寫誦讀但不許攜出也又四科大學之外有度數之學曰瑪得瑪第加亦屬斐錄所科內此專究物形之度與數度其完者以爲幾何大數其截者以爲幾何多二者或脫物而空論之則數者立算法家度者立量法家或體物而借論之則數者在音相濟爲和立律呂家度者在天迭運爲時立歷法家此學亦設學立師但不以取士耳此歐羅巴建學設官之大略也

又曰歐羅巴國人奉天主正教在遵持兩端其一愛敬天主萬物之上其一愛人如己愛敬天主者心堅信望仁三德而身則勤行瞻禮工夫其瞻禮殿堂自國都以至鄉井隨在建立復有掌教者專主教事人皆稱爲神父俱守童身屏俗緣純全一心敬事天主化誘世人其殿堂一切供億皆國王大臣民庶轉輸不絕國人羣往

歸焉每七日則行公其瞻禮名曰彌撒此日百工悉罷
通國上下往焉聽掌教者講論經典勸善戒惡婦女則
另居一處而聽男女有別其愛人如己一是愛其靈魂
使之爲善去惡盡享生天之福二是愛其形軀如我不
慈人天主必不慈我故歐羅巴人俱喜施捨千餘年來
未有因貧鬻子女者未有飢餓轉溝壑者在處皆有貧
院專養一方鰥寡孤獨處其中者又各有業雖殘廢之
人亦不廢如瞽者運手足痺者運耳目各有攸當務使
曲盡其才而不爲天壤之廢物又有幼院專育小兒爲

貧者生兒舉之無力殺之有罪故特設此院令人撫育
以全兒命其族貴而家貧者耻于送子入院更有兩全
之法其院穴牆以設轉盤內外隔絕不相見送兒者乘
人不見置兒盤中扣牆則院中人轉兒入矣其曾領洗
與否皆明記兒胸異時父母復欲收養則按所入之年
月便得其子又有病院大城多至數十所有中下院處
中下人有大人院處貴人凡貴人若羈旅若使客偶患
疾病則入此院院倍美于常屋所需藥物悉有主者掌
之預備名醫日與病者診視復有衣衾帷幔之屬調護

看守之人病愈而去貧者量給資斧此乃國王大家所立或城中人併力而成月輪一大貴人總領其事凡藥物飲食皆親自驗視之各城邑遇豐年多積米麥饑歲以常價糶之如所謂常平倉者人遇道中遺物或獸畜之類多覓其主還之弗得主則養之國中每年數日定一公所認識遺畜失者與得者偕來會集如遇原主則聽其領去如終弗得主則或宰肉或賣價以散貧人若拾金銀寶物則書于天主堂門外令人來識先令預言其狀如一符合卽以還之不得主亦散于貧乏國中

又有天理堂選盛德宏才無求于世者主之凡國家有大舉動大征伐必先質之此堂問合天理與否擬以爲可然役行之國人病危悔過祈赦則分析產業遺一分爲仁用或以救貧乏或以助病院或以贖敵國所虜或以修飾天主殿庭一切仁事悉從病人之意遺于子孫謂子孫之財遺於仁用謂已靈魂之財其聖教中人更有慕道最深拋棄世間福樂或避居於山谷或入聖人聖女所立之會而畢世修持者其入會須發三誓一守貞以絕色一安貧以絕財一從命以絕意凡歐羅巴諸

國從十六七歲願入會中矢守童身者自國王大臣宗室以下男女不可勝紀其女子入會後惟父母至戚得往見之餘絕不相交接其會中居屋原極宏敞亦自不礙遊息也其男子入會例有多端有專自修不務化人者有務化人不能遠游者又有化人而欲及天下者此則離本國捐朋友棄親戚遍歷遐方其視天下猶一家視天下人猶一體不辭險阻艱辛雖啖人炙人之地亦身歷焉惟祈普天之下皆識真主而救其靈魂升天以畢素志此歐羅巴敬天愛人之大畧也

又曰歐羅巴諸國賦稅不過十分之一民皆自輸無徵比催科之法詞訟極簡小事里中有德者自與和解大事乃聞官府官府聽斷不以己意裁決所憑法律條例皆從前格物窮理之王所立至詳至當官府必設三堂詞訟大者先訴第三堂不服告之第二堂又不服告之第一堂終不服則上之國堂經此堂判後人無不聽於理矣訟獄皆據實誣告則告者與證見卽以所告之罪坐之若告者與訴者指言證見是仇或生平無行或嘗經酒醉卽不聽爲證者凡官府判事除實犯真贓外亦

不先事加刑必俟事明罪定招認允服然後刑之官亦始終不加詈罵卽詞色畧有偏向訟者亦得執言不服改就他官聽斷焉吏胥餽廩雖亦出于詞訟但因事大小以爲多寡立有定例刊布署前不能多取故官府無恃勢剝奪吏胥無舞文詐害此歐羅巴刑政之大畧也封內雖無戰鬪其有邪教異國恃強侵侮不可德馴如韃而韃度爾格等者本國際常設兵政外又有世族英賢智勇兼備者嘗以數千人結爲義會大抵一可當十皆以保國護民爲志其初入會者試果不憚諸艱方始

聽入焉會在地中海馬兒達島長者主之遇警則鳩集成師而必能滅寇成功他國亦有別會俱彷彿乎此卽國王亦有與其會者此又歐羅巴武備之大畧也

又曰地中海有島百千大者曰甘的亞島曩有百城周二千三百里古王造一苑囿路徑交錯一入便不能出游者須以物識地然後可入生一草名阿力滿少嚼便能療饑地中海風浪至冬極大難行有鳥作巢於水次一歲一乳但自卯至翼不過半月此半月內海必平靜無風波商舶待之以渡海鳥名亞爾爵虐此半月遂名

為亞爾爵虐日云

又曰歐羅巴迤北一帶海島極多冬長長數月行路工

作以燈產貂類極多人以為衣又有人長大多力遍體

生毛如獐猴產牛羊鹿甚多犬最猛烈一犬可殺一虎

遇獅亦不避也

源案東北海黑龍江以下有使犬使鹿部捕貂為生此西北地亦然蓋地近北

海故貂鹿犬所產相同

冬月海冰為風所擊嘗湧積如山人善魚

獵山多鳥獸水多魚鼈人以魚肉為糧或磨魚為麪油

為燈骨造舟車屋室亦可為薪其魚皮以為舟遇風不

沉不破如陸走則負皮舟而行

源案黑龍江東有魚皮部以魚皮為衣此亦西

北海與東北海物產同之一證

其海風甚猛能拔樹折屋及攝人物於

他處

又曰北海濱有小人國高不二尺鬚眉絕無男女無辨跨鹿而行鸛鳥常欲食之小人恒與鸛相戰

或預破其卵以絕種類又有小島其人性嗜酒任飲不醉年壽最長

近諸厄利亞國為格

落蘭得其地多火以磚石障之仍可居處或宛轉作溝

以通火火焰所至便置釜飀熟物更不須薪其火亦終

古不滅

丹攻擊割布路亞地請和旋復與兵滅阿丹而奪回之

千二百年宋寧宗慶元二年呂宋加色代爾部落嫁女於佛蘭

西之律與厘律官名與厘人名割布路亞地之北隅數部贈嫁

于是與厘遷居北隅日漸盛強復與師攻取南隅之義

斯門西彌里等處遂建都于義斯門立國稱王千五百

年後明武宗正德年間駕駛舟師東取沿海西取南彌利堅洲

之摩那濟爾地百餘年後有塞麻斯田王往侵布路亞

軍伍殺亂自誤截已兵遂大潰國王沒諸子爭立乞援

于大呂宋菲里王始定王位自是國事受制于呂宋邊

地被侵於荷蘭先感菲里王之德繼成仇隙於六百四

十年崇禎十三年部眾咸憤起兵驅大呂宋之人並廢前王

而改立新王不受大呂宋節制傳至四代國事廢弛邊

境俱失維時大呂宋之麻密王深念唇齒既締好於英

吉利復釋布路亞之世仇互市通商故布路亞部落摩

那濟爾所產之金始得進口千八百有七年嘉慶十二年佛

蘭西摩那巴底王遣禹諾領兵往襲布路亞倉卒無備

遂棄義斯門而走摩那濟爾旋得英吉利之助始逐佛

蘭西復其故都其子遂即位于摩那濟爾國中官無常

俸不守廉隅世祿之家奴使小民專擅驕縱如大呂宋兵丁三萬無紀律自糾英吉利兵拒退佛蘭西後留英國兵帥助其訓練始成勁旅近已不亞於歐羅巴各國俗奉加特力教所在多立廟宇統計教師廟四百所尼菴百五十所為人驕惰虛假鮮實尙白好潔貴富賤貧河道三魯羅河之源發自呂宋歷本國之阿波多大市鎮而注之海達俄河之源亦發自呂宋歷國都而注之海惟密里俄河自本國發源沙中有金可淘產羽毛布疋魚鹽煤金噉噉鼻煙葡萄亞國即布路亞東北俱界

大呂宋西南俱界阿蘭底海幅員三萬八千八百方里戶三百五十三口領大部落六小部落五十俗奉加特力教

伊斯里麻魯那 東南俱界阿領底 若西北俱界彌那 領小部落十有二

晏特厘多羅 東北俱界大呂宋西界阿蘭底海南界特那斯呵滿底 領小部落

四

特拉斯阿滿底 東界大呂宋西界阿蘭底海南界敏那北界晏特厘多羅 領小部

落五

彌那 東界大呂宋南界伊斯特里麻魯那西界特那斯呵滿底北界阿蘭底海 領小部落

十四

阿領底若

東界大呂宋南界阿爾牙威西北俱界依士特里底魯那

領小部落十

一

阿爾牙威

東界大呂宋北界阿蘭底若西南俱界阿蘭底海

領小部落四

葡萄牙國沿革

原無今補

皇清四裔考博爾都噶國

即布路亞國一作葡萄牙亞即住澳之大西洋國也博都噶

即布路亞三字轉音

在歐羅巴極西境徑七百里西濱大洋地分

五道四方商船皆聚都城有大河曰德若河經都城西

入海通國大市比六水泉二萬五千國有二學曰阨物

辣曰哥應拔歐羅巴高士多出此中有耶蘇會士蘇氏

者著陡祿日亞書最精土產果實絲綿多水族善釀葡

萄酒即過海至中國不壞園囿有周數十里者禽獸充

牝異國名王過其地往射獵焉俗有仁會恤孤寡癯獨

商船至或有死而無主者收其行李訪其戚屬還之國

王隨處遣官為孤子治家長則還所有且加益焉明以

前未通中國雍正五年表貢方物乾隆十八年復貢

命欽天監正劉松齡前途引導至京

召見賜宴

先是雍正五年朝貢於常賞外

特賜國王人參四

十勛庫緞二十五疋磁器一百三十件洋漆器六十六
件紙三百張墨二十匣字畫絹一百張及荔枝酒哈密
瓜松糕茶糕芽茶香餅燈扇香囊等物又加賞來使倭
緞磁器漆器紙墨扇絹等物至乾隆十八年又 特
賜國王龍緞四疋粧緞花緞線緞各八疋百花粧緞十
二疋綾紡絲各二十二疋羅十三疋杭綢七疋冊頁一
付瑪瑙玉器六件瑤瑯器二種漆器十九種磁器三十
三種及紫檀木器畫絹香袋香餅紙墨扇茶又加賞正
使畫絹紙墨扇茶及文綺又隨
敕書賜國王龍緞

片金各二疋蟒緞倭緞各三疋粧緞七疋花緞六疋閃
緞花緞青花緞藍緞青緞帽緞線緞各四疋綾紡絲各
二十二疋羅十三疋絹七疋又因端陽節加賞國王紗
四十疋葛百疋香囊香串宮扇藥錠等物并正副使紗
葛香囊香串藥錠等物蓋念其遠來從優錫予焉二十
五年廣東南海縣民林六因緣入教至於變易服飾娶
妻生子經兩廣督臣李侍堯奏准比照左道惑衆爲從
例治罪以維風俗部議從之其國東境爲伊西巴尼亞
又東北爲拂朗察又東北爲法蘭得斯又東北爲熱爾

瑪尼亞博厄美亞諸國山川風俗見職方外紀初博爾
都噶國君乏嗣伊西巴尼亞之君為其昆仲乃權署其
國事後復自立君長不相統屬乾隆初博爾多噶國人
傳作霖以天文家來仕 中朝為欽天監

海錄大西洋國又名布路亞士氣候嚴寒由散爹里正
北行約二旬可到國境其海口南有二礮臺謂之交牙
礮臺儲大銅礮四五百架有兵二千守之凡有海艘回
國及各國船到本國必先遣人查看有無出痘瘡者若
有則不許入口須待痘瘡平愈方得進港內有市鎮七

處如中國七府由交牙礮臺進港行數十里到預濟窩
亞此一大市鎮也國王建都于此有礮臺無城郭又由
此進則為金巴喇亦一市鎮凡入中華為欽天監及至
澳門作大和尚者多此土人又進為窩達又進為維丟
其餘為來魯為阿喇加為渣比皆大市鎮也人煙稠密
舟車輻輳各有重兵鎮守土番色白好潔居必樓屋器
用精巧色尚白凡墻屋皆以灰塗飾稍舊則復塗之女
人亦以色白者為貴稱王曰理稱世子曰黎番參王子
曰必林西比王女曰必林梭使相國為千爹將軍為馬

海國圖志卷之二十一 亞細亞
喇亞乍文官有五等武官有九等其鎮守所屬外洋埔頭各土官卽取移居彼處之富戶爲之亦分四等一理民間雜事一理人間鬥爭一掌糧稅一掌出入船艘本國歲差一文一武到彼管轄疆域大者或差三四人每大事則六人合議若所差官未攜眷屬則必俟土官四人熟議合民情土風然後施行差官不得自專若均有室家則聽差官主謀土官多不與爭謂其患難相共也男子短衣窄褲僅可束身有事則加一衣前短後長若蟬翅然官長兩肩別鑲一壺薦形金者爲貴銀次之帽

圓旁直而上平周圍有邊女人上衣亦短窄下不褲圍以裙至八九重年少則露胸老者掩之出必以寬幅長巾掛其首垂至兩膝富者更以黑紗掩其面紗極細緻遠望之如雲烟價有值二十金者手中多弄串珠富者則以珍珠或鑽石爲之男女俱穿皮鞋自國王至于庶民無二妻者妻死乃再娶夫死乃再嫁凡婚姻壻家必先計粧奩父母但以女不得嫁爲耻雖竭家資不惜而男之有婦與否則不復計蓋又恃有婦家取償也婚不禁同姓唯親兄弟不得爲婚寡婦再醮者雖叔姪亦相

正凡婚必請于教主教主許然後婚教主者廟中大僧師也俗奉天主教每七日婦女俱詣廟禮拜凡娶妻男女俱至廟聽僧師說法然後同歸男女將議婚父母媒妁必先告教主教主則出示通諭俾衆共知男女先有私約許情告卽令各從其願雖父母莫能爭也婦女有犯姦淫各罪欲改過者則進廟請僧懺悔僧坐于小龕中旁開一窗婦女跪于窻下向僧耳語訴其情實僧爲說法解罪僧若以其事告知衆人則衆以僧爲非其罪絞凡男女有犯法恐家主罪之者至廟中求僧僧若許爲解釋以書告其家主家主雖怒不敢復罪也人死俱葬廟中有後來者則掘其先葬棄諸廟隅而補葬其處生死皆告于廟僧爲記其世系然閱三世後亦多不知其祖矣國王立不改元以奉天主教計其年每年以冬至後七日爲歲始合計一歲而分十二月不論月之合朔與否故月有三十一日者以月借日而光爲不足法也冬至後五十餘日國中男女俱不肉食謂之食齋至四十九日而後止將止三日婦女徧拜各廟謂之尋祖先三日後則廟僧將所藏木雕教主置之廟堂或置路

隅先見者則徧告以爲尋獲次日番僧及軍民等送置別廟藏之大和尚出迎穿大衣長至地衣四角使四僧牽之爲布幕其長丈許寬五六尺用四竿擎其四角擇富戶四人人執一竿大和尚在幕下手執圓鏡中有十字形儀仗軍士擁之而行見者咸跪道旁俟和尚過而後起其女人亦有出家爲尼者別爲一廟而扃閉其門戶衣服飲食俱自竇進終其身不復出有女爲尼則其家俱食祿于王父母有罪尼爲書請乞輕重咸赦除之凡軍民見王及官長門外去帽入門趨而進手撫其足

而噉之然後垂手屈身拖足向後退數步立而言不跪子見父久別者亦門外去其帽趨進抱父腰父以兩手拍其背嗅其面數四子乃屈身拖足退數步立而言未冠則不抱腰早晚見父母俱執手噉之餘如前兄弟及親戚相好者久不相見則相抱然後垂手屈身見長輩如見父儀而不相嗅長輩而年相若者亦相抱唯卑者微懸其足女見父母幼則如男長則趨進執其手噉之退後兩手攝其帟稍屈足數四見舅姑亦如之親戚男女相見男則垂手屈手拖足女則兩手攝其帟屈足數

四然後坐女相見則相向立各攝其裙屈足左右團轉
然後坐朋友親戚路遇則各去其帽出外攜眷回家有
親戚訪問者女人必出陪坐語女人出外遊觀則丈夫
或家長親戚携手同行亦有一男攜二女而行者此其
大畧也俗貴富而賤貧其家富豪則兄弟叔姪之貧者
不敢入其室不敢與同食云

案此所述該西洋各國風俗非獨葡萄亞也以澳夷

居中國最久海故錄以冠各國并將全洲風俗繫之

澳門紀略

乾隆十六年宣
城張汝霖撰

西洋夷居香山灣自明萬歷

迄今幾二百年悉長子孫其國上世有歷山王又號古

總王今有二王曰教化王曰治世王治世者奉教化之

命惟謹

案教化王最大者惟一人駐意大里國總掌西
洋各國之天主教謂之教皇猶西藏之活佛非

國國有之也今來粵貿易各國從未有每國各二王之
說此篇所述澳門亦有法王不過大僧師之稱耳若國
中只有一法王既來駐澳其本國又安得有法王豈能
遙制數萬里外乎澳寺番僧皆教化

類夷人貿易者則治世類西洋國歲遣官更治之澳素

饒富

國初洋禁嚴諸番率借其名號以入市酬之

多金財貨盈溢今諸番俱得自市又澳舶日少富庶非
昔比大西洋去中國遠三年始至稍西曰小西洋去中
土萬里大西洋遣酋守之澳門頭目悉稟小西洋令歲

輪一船往有大事則附小西洋會帥以聞不能自達也
有地滿島在南海中即地問島 一作地盆水土惡毒人黝黑無所

主大西洋與紅毛分據其地有兵頭鎮戍三年一更遣
自小西洋由澳而後達於地滿亦歲輪一船往澳夷罪
不至死者遣戍之終其身無一生還者其行賈之地曰
馬西與之約不得以所產市他國康熙中馬西背約私
與他國市澳夷怒駕船往所市之國責之馬西患之遂
相仇殺死者三百餘人市道中絕今所與市易者曰哥
斯達島曰葛羅巴島曰呂宋島凡所往之國海道不可

以里計但分一晝夜為十更計由某達某路若干更云
其人白皙鼻昂而目深碧不眴不畜鬚髮別編黑白髮
蒙首及頸蜷然蒙茸賜自法王得者以為榮其通體黝
黑如漆特唇紅齒白畧似人者是曰鬼奴明洪武十四
年瓜哇國貢黑奴三百人明年又貢黑奴男女百人案海

南太守以摩訶贈陶峴即此唐時謂之崑崙奴入水不眯目貴家大

族多畜之明史亦載和蘭所役使名烏鬼入水不沉走
海面若平地粵中富人亦間有畜者絕有力可負數百
斤生海外諸島初至時與之火食累日洞泄謂之換腸

海國圖志卷之二十三 澳門
或病死若不死即可久畜漸爲華語鬚髮皆髻而黃其在澳者則不畜鬚髮女子亦具白黑二種別主奴凡爲戶四百三十有奇丁口十倍之澳城明季創自佛郎機萬歷中總督何士晉令隳澳城臺天啟時徐如珂署海道副使澳夷奔告紅毛將犯香山請兵請餉請木石以繕墉垣如珂昌言于兩府曰此狡夷嘗我也已而夷警寂然而澳垣日築百丈如珂遣中軍領兵戍澳諭之曰墉垣不毀澳人力少也吾助若毀不兩日糞除殆盡夷相喑視自是稍戒心今城固而庫大門一小門三砲臺

六大者曰三巴砲臺列砲二十八上宿番兵臺垣四周爲輒龕以置守夜者臺下爲窟宰貯焰硝次則東西望洋兩臺對峙東置砲七西五餘制與三巴畧同娘媽角砲臺在西望洋下砲二十有六南環砲臺置砲三噶斯蘭砲臺置砲七設火藥局於左側通計砲七十有六大者六十一餘差小銅鑄四十六餘鐵其大銅鑄者重三千斤大十餘圍長二丈許受藥數石明時紅毛擅此火器嘗欲窺香山澳脅奪市利澳人乃倣爲之其製視紅毛尤精發時以銃尺量之測遠鏡度之靡不奇中紅毛

乃不敢犯今海宇承平諸番向化以此爲 天朝守海
門而固外圍耳夷兵頭遣自小西洋率三歲一代轄番
兵百有五十分戍諸砲臺及三巴門蕃人犯法兵頭集
夷曰於議事亭或請法王至會鞠定讞籍其家財而散
其眷屬上其獄于小西洋其人屬獄候報而行法其刑
或戮或焚或縛置砲口而燼之夷目不職者兵頭亦得
劾治其小事則由判事官量予鞭責判事官掌刑名有
批驗所掛號所朔望禮拜日放告赴告者先於掛號所
登記然後向批驗所投入既受詞集兩造聽之曲者予

鞭鞭不過五十亦自小西洋遣來理事官一曰庫官掌
本澳番舶稅課兵餉財貨出入之數修理城臺街道每
年通澳僉舉誠樸殷富一人爲之番書二名皆唐人凡
郡邑下牒于理事官理事官用呈稟上之郡邑字遵漢
文有番字小印融火滕烙于日字下緘口亦如之凡法
王兵頭判事官歲給俸一二千金有差理事官食其食
其所贏不給俸外紅棍官二等大紅棍于夷人將歿時
察其貲財而籍記之詢其人以若干送寺廟若干遺子
女若干分給親屬詳書于冊俾無後爭二紅棍于夷人

既歿有子女俱幼不能成立者卽依大紅棍所開應給之數撫育其子女而經理其餘財待其既長婚嫁舉以付之如無子女悉歸其貲于寺廟其晨昏譏察如內地保甲者曰小紅棍兼守獄獄設龍鬆廟右爲樓三重夷人罪薄者置之上層稍重者繫于中重則桎梏于下有土窟委乾牛馬矢炷火其中名曰矢牢皆無祿凡中國官府如澳判事官以降皆迎于三巴門外三巴砲臺然大砲番兵肅隊一人鳴鼓一人颺旗隊長爲帕首鞞袴狀舞鎗前導及送亦如之入謁則左右列坐如登砲臺

則番兵畢陳吹角演陣犒之牛酒其然砲率以三或五發七發致敬也歲十月肖楮爲紅毛夷縛而走于市諸番手椎追擊之詈而出歌而入晚則焚于野明季紅毛奪澳市澳夷怨之每歲有舉所以志之也 番舶視外洋夷舶差小以鐵力木厚二三尺者爲之錮以瀝青石腦油釘以獨鹿木束以籐縫以椰索其碇以鐵力水杪底二重或二檣三檣度可容數百人行必以羅經掌之者爲一舶司命每舶用羅經三一置神樓一舶後一桅間必三針相對而後行向編香字號由海關監督給照

凡二十五號前數年尙有一十六號近年止十三號二十餘年間飄沒殆半澳番生計日絀其夷目舶稅上貨抽加二次加以五又次加一小艇曰三板長丈餘西洋俗以行賈爲業富者男女坐食貧者爲兵爲梢工爲人掌舶婦女繡巾帶炊餅餌糖果粥之以餬口凡一舶貨直鉅萬家饒于財輒自置舶問其富數舶以對貲微者附之或數十主同一舶每歲一出出則數十百家之命繫焉出以冬月冬月多北風其來以四五月四五月多南風計當返則婦孺遶舍呼號以祈南風脫卒不還相

率行乞于市乞者常千人然性侈稍贏于貲居室服食輒以華靡相勝出必張蓋乘輿相見脫帽以爲禮以冬至後七日爲歲首插椰葉于戶人相賀歲三百六十五日分爲十二分一分曰沙聶祿三十一日二分曰勿伯勒祿二十八日三分曰馬爾所三十一日四分曰亞伯理三十日五分曰馬約三十一日六分曰如虐三十日七分曰如畧三十一日八分曰亞我斯篤三十一日九分曰斯等伯祿三十日十分曰呵多伯祿三十一日十一分曰諾文伯祿三十日十二分曰特生伯祿三十一

日紀年以耶穌始生之歲爲元年稱一千四百若干年
四時無節令春秋亦無祀先禮慶弔無牢醴幣帛之儀
燕飲不修賓主揖讓之節飲酣則擲玻璃盞以爲樂每
日晨興食已皆卧聞兩點鐘而起暮張燈作人事夜分
乃息兩點鐘者日爲午夜爲子也重女而輕男家政皆
女子操之及死女承其業男子則出贅女家不得有二
色犯者女愬之法王立誅死或許悔過則以鐵鈎鈎其
手足血流被體而後免女則不禁得一唐人爲鞏皆相
貴婚姻不由媒妁男女相悅則相耦婚期父母攜之詣

廟跪僧誦經畢訊其兩諧卽以兩手攜男女手送之廟
門外謂之交卽廟惟天主大廟風信三分番戶而司其
婚餘皆否尤薄於送死家有喪號哭不過七日不炊親
友饋之食無棺槨舁支糧廟公匣至殮以布帛覆以罩
僧鳴鐸前導赴素所禮拜之廟而葬之既至出諸匣富
者入貲多許于天主前穴地藁葬鏤志姓名于石貧者
葬廟外其富者又分貲獻諸廟葬之日爭爲鳴鐘其妻
子迄無一送者故僧以日饒葬踰年出骨瘞之他所如
尙肉謂獲罪不上昇僧鞭其屍而掩之需其化而改葬

喪期或一年或數月有吉事則不至期亦釋服產子未
彌月而天徧告戚友聚而焚香置諸盤插花纏綵送廟
中葬之僧勞其父母以錘謂之仙童遇黑奴無道不匹
配錮之終其身示不蕃其類也無族姓親屬白多瑪著
聖教切要竊中土五服圖為同姓外親四代之圖叩之
澳夷實普如門供十字架謂之聖架諸廟每日卯叩鐘
以迎神酉扣以送神是日三點鐘聞者必蒲伏持咒雖
道路不廢

案所述風俗亦西洋各國所同
不獨澳夷也故以冠西洋之首

貿易通志曰布路牙國民昔豪于遠賈近日頗怠其出
入之貨每年不過幾百萬員英吉利商船往市甚多每
年載八十餘萬石與其國易布帛大呢

此條
補輯

海國圖志卷二十六

大西洋

歐羅巴洲

歐羅巴人原撰

候官林則徐譯

邵陽魏源重輯

大呂宋國

即斯扁國一名西班牙一作是班牙一作以西把尼亞海錄謂之意細班牙皆譯音之轉

大呂宋國在葱嶺葡萄亞國之北少西亦明以來住澳之大西洋也四圍皆山中央平行在耶穌未紀年以前為加達尼晏所據開采銀礦政多暴橫居民苦之時意

大里亞國勢方盛請兵驅逐因舉國歸意大里心悅誠服雖後值意大里衰微猶不忍背四百十八年

晉安帝義熙四年

年有完那爾士曷士二人聚眾雄長各不相下血戰經

年曷士戰勝遂王呂宋建都麻特義設官分治三百載

阿丹國逾海往侵力不能拒棄國遁保山林旋得渣力

司馬特爾力戰三日阿丹不敢進追乃割國中部落之

半歸阿丹議和千七百四十年

乾隆五年

曷士後裔之華里

蘭王始破阿丹日漸強盛乘勢攻擊獲北彌利堅之密

斯果繼得南彌利堅之畢盧皆產金著名之地並奪得

阿細亞洲之蠻尼那島名之曰小呂宋兼並旁近數部

落爲海濱巨國傳至非利王漸弱身後諸子爭立牟滿

求助于佛蘭西得立雖不稱藩於佛蘭西而感其援立

如小事大政事舊歸馬約里衙門因專權裁汰別設十

特千西爾衙門正副各一眾推公舉分理其事以防專

擅後復朋黨爲奸佛里王欲革不能借助鄰國始得裁

廢近又新設戈底司以備差遣大小戰船百艘護行兵

二萬五千水陸兵共三十五萬五千水師先號强悍後

攻南彌利堅無功遂以不競陸兵驍勇舊甲諸國百年

來亦遠不如昔賦稅歲徵二千九百九十萬員市廛貨物凡易一手納稅一次重徵疊歛遂致蕭索國用歲需二百五十二萬五千員王宮中歲支五十四萬員官祿七十一萬五千員戰船費二百萬員水師兵餉七百二十二萬五千員陸路兵餉千三百二十五萬員常年出納有盈無絀惟意外大兵大役不無匱缺故國中積欠九萬萬員俗驕好鬥不甚遵約束然性靈巧工丹青尤喜音樂節奏之妙亞于意大里國中俱遵加特力教例禁剛岐有犯者治以焚如之刑河道五達俄河魯羅河

均源伊墨連山由大呂宋而至布路亞出海上游在大呂宋地內者大半下游在葡萄亞地內者甚短而舟楫雲集倍蓰於呂宋俄阿里那河自那滿查發源至葡萄亞出海伊浚河由北隅之加達墨連山發源歷數部落而至東隅出海俄斯那爾虧威河之源發自西臘摩里那山歷數部落至南隅之魯加爾出海商舶所滙聚土產鉛水銀鐵絲髮氈毛呢布琥珀棉靛沙紙所屬之密斯果畢盧產金銀近已減少今中國所行洋銀俱呂宋所鑄他國銀錢罕由澳門通市之始先行呂宋貨幣云

實易通志曰是班牙國與葡萄亞相隣其國連年混亂
商旅微少所連出者水銀鉛鐵橄欖油果紅花葡萄酒
蠶絲羊毛每年不過數百萬員此條補入

斯扁即大呂宋國都東南界海西界葡萄亞北界佛蘭

西幅員十八萬八千二百方里戶百二十四萬八千口

領總部落十有六大部落八十小部落四百三十有七

紐加塞代爾

東界哇領舍西界伊塞那麻魯南界奄那魯社北界阿爾加色代爾

領大

落七小部落六十

加達羅尼阿

東南界海西界阿拉頭北界佛蘭西

領大部落九小部落

三十有三

阿臘灣

東界加達羅尼阿南界哇領舍西界阿爾加色代爾北界佛蘭西

領大部落

七小部落四十有三

那哇臘

東南界阿臘灣西界彌斯計北界佛蘭西

領大部落五小部落八

洼領舍

東南界海西界鈕加色代爾北界阿臘灣

領大部落四小部落二

十有四

毋社

東界哇領舍西界奄那魯社南界海北界鈕加色代爾

領大部落三小部

落二十有二

奄那魯社

東界毋社西界波底牙南界海北界鈕加色代爾

領大部落十有

五小部落七十有四

阿爾加色代爾 東界阿拉灣西界里稔南界鈕加色代爾北界海 領大部落

六小部落三十有七

彌斯計 東界那哇騰北界海西南俱界阿爾加色代爾 領大部落一小部落

十有七

牙厘社 東界阿色都里斯西北界海南界布路亞 領大部落五小部落二

十有五

里稔 東界阿加色代爾西界布路亞南界伊塞特那麻魯北界阿塞都里司 領大部落

七小部落四十有八

依塞特那麻魯 東界鈕加色代爾西界大西洋南界庵那魯社北界里稔 領大部

落七小部落三十有二

麻育加島 在國東與哇領社近 領大部落一小部落三

彌那加島 在國東與哇領社近 領大部落一小部落一

依委沙島 在國東與哇領社近 領大部落一小部落一

大呂宋國沿革 原無今補

職方外紀歐羅巴之極西日以西把尼國 即呂宋國 南起三

十五度北至四十度東起七度西至十八度周一萬二

千五百里疆城徧跨他國世稱天下萬國相連一處者

中國爲冠若分散於他域者以西把尼亞爲冠

案呂宋在明代

甚強所至攻取各島如臺灣南之小呂宋其一也故分散他域者衆以西把尼亞本地三

面環海一面臨山山曰北勒搦何產駿馬五金絲綿緇絨白糖之屬國人極好學有共學在撒辣蔓加與亞而加辣二所遠近學者聚焉高人輩出著作甚富而陡祿日亞天文之學尤精古一名賢曰多斯達篤者居俾斯玻之位著書最多壽僅五旬有二所著書籍就始生至卒計之每一日當得三十六章每章二千餘言盡屬奧理後人繪其像兩手各持一筆章其勒敏也又有一王

名亞豐肅者好天文歷法精研諸天之運列宿之躔撰成歷學全書世傳歲差本原皆其考定製爲一定圖象爲今歷家大用又將國典分門定類爲七大部法紀極備復取天主古今經籍有註疏者不下千餘卷遍閱至十有四次又纂本國自古史書夫旣身親國政又傍及著述種種如此後世稱曰賢者之王宜矣此國人自古虔奉天主聖教最忍耐又剛果且善遠游海上曾有遠大地一周者國中有二大名城一曰西未利亞近地中海爲亞墨利加諸舶所聚金銀如土奇物無數又多阿

利襪果有一林長五百里者一名多勒多城在山之巔
取山下之水以供山上其運水甚艱近百年內有巧者
製一水器能盤水直至山城而絕不賴人力其器晝夜
自能轉動也又有渾天象其大如屋人以身入於其
中見各重天之運動其度數皆與天合相傳製此象者
注想十七年造作三年曾未重作一輪其境內有河曰
寡第亞納伏流地中百餘里穹窿若橋梁其上爲牧場
畜牛羊無算有塞惡未亞城乏甘泉遙從遺山遞水架
一石梁梁上作水道擊以石柱綿亘數十里又二都城

悉皆火石砌成故本國有言以西把尼亞有三奇有一
橋萬羊牧其上有一橋水流其上有一城以火爲城池
也國中奉天主之堂雖多而最著者有三一以奉雅歌
黔聖人爲十二宗徒之一首傳聖教於此國國人尊爲
大師大保主四方萬國之人多至此瞻禮一在多勒多
城創建極美中有金寶祭器不下數千有一精巧銀殿
高丈餘濶丈許內有一小金殿高數尺其工費又皆多
于本殿金銀之數其黃金乃國人初通海外亞墨利加
所攜來者貢之于王王用以供天主耶穌者近來國主

又造一瞻禮大堂高大奇巧無比修道之士環居焉其
內可容三國之王水泉四十餘處堂前有古王像六位
每位高一丈八尺乃黑白玉琢成者堂內有三十六祭
臺中臺左右有編簫二座中各有三十二層每層百營
管各一音合三千餘管凡風雨波濤嘔吟戰鬥與夫百
鳥之聲皆可模倣真奇物也又有書堂闊三十步長一
百八十五步周列諸國經典書籍種種皆備卽海外額
勒濟亞國之古書亦以海舶載來貯於此處其地原係
曠野山林後因造此堂鳩工住集七年遂成一城云以

西把尼亞屬國大者二十餘中下共百餘其在最西者
曰波爾杜瓦爾分爲五道向有本王後因乏嗣以西抱
尼亞之君係其伯仲乃權署其國事焉其境內大河曰
得若經都城里西波亞入海故四方商舶皆聚都城爲
歐邏巴總會之地也土產果實絲綿極美水族亦繁所
出土產葡萄酒最佳卽過海至中國毫不損壞國中其
學二所曰厄物臘曰哥應拔其講學名賢曾經國王所
聘雖已輟講亦終身給祿不絕歐邏巴高士多出此學
近有耶穌會士蘇氏著陡祿日亞書最精最廣超數百

年名賢之上其德更邁於文國都又有一地界兩河間
周圍僅七百里而高士聚會修道之所有一百三十處
又有天主堂一千四百八十所水泉二萬五千大方石
橋二百通海大市六處由此可見其地之豐厚也侯家
苑圍有周數十里者各種禽獸充牣其中異國名玉過
其地者往射獵焉隨處立有仁會遍恤孤寡焚獨或給
衣食或助貲賄或保護其家或葬死者商舶至或有死
而無主者則爲收其行李訪其親戚還之種種仁事他
國雖各有會莫如此中之盛此外國王隨處遣官專撫

恤孤子理其家產廣其生殖長則還所有且增益焉歐
羅巴初通海道周經利未亞過大浪山抵小西洋而至
中國貿遷者從此國始詳見別紀

海錄大呂宋國又名意細班尼惹在布路亞北少西由
布路亞西北行約八九日可到海口向西疆域較布路
亞稍寬民情寬惡亦奉天主教風洋與西洋略同土產
金銀銅鐵哆羅絨羽紗嗶嘰蒲桃酒琉璃番覘鐘表凡
中國所用番銀俱呂宋所鑄各國用之佛朗機國又名
佛蘭西在呂宋北少西疆域較呂宋尤大沿海舟行四

十餘日方盡由呂宋陸行約二十日可到民情淳厚心
計奇巧所製鐘表甲于諸國風俗土產與西洋畧同亦
奉天主教所用銀錢或三角或四方中有十字文

案意
細班

北慈即以西把
尼亞音同字異

荷蘭及彌爾尼壬兩國總記

荷蘭及彌爾尼壬兩國同區總名曰尼達蘭其地似是
耶麻尼佛蘭西兩國各裁甌脫之地以成一隅故犬牙
互錯參差不齊幅員二萬四千八百七十方里半水半
陸居歐羅巴洲南北之中爲貿易之總埠彌爾尼壬地
勢平蕪而多高埠不慮海潮亦不患內河漲沒惟荷蘭
處於低窪四圍濱海潮至高出地面修堤捍衛二國先
昔無王連合爲一彌爾尼壬之人强悍與意大利亞之
西撒爾鏖戰終爲意大利亞所服荷蘭則結好於意大利

里亞倚庇援應於是兩處皆爲意大里亞之藩部中世各國兵起兩處旋屬於佛蘭西嗣佛蘭西之渣麻額厘王薨其子各霸一方荷蘭彌爾尼王分屬佛蘭西之麻更里管轄麻更里以女嫁於歐塞特里阿王割十七部落爲奩贈荷蘭彌爾尼王卽在其中繼復爲大呂宋所得迨大呂宋之非厘王昏虐無道荷蘭彌爾尼王不服統轄興兵血戰五十載彌爾尼王以邊無險隘不能拒守惟荷蘭抗拒如故呂宋决堤浸灌城不沒者三版固守不下會歐塞特里阿兵來援呂宋退走荷蘭遂撫沃

饒之七部落自爲一國建都於巖士達攬築城練武以舟師東征克因里阿西攻南彌利堅洲之墨臘濟爾遂與東洋通貿易國都日盛會佛蘭西兵取彌爾尼王旋進荷蘭據好司阿蘭治于是兩國仍爲佛蘭西所屬千七百九十九年

嘉慶四年

俄羅斯英吉利欲恢復荷蘭不克

迨佛蘭西之那波里稔王卽位以其弟羅彌斯王荷蘭仍節制佛蘭西之巖士達攬市埠英吉利商賈所聚也佛蘭西與英吉利構兵連年遂封荷蘭港口以斷英商之貿易荷蘭埠市遂微嗣歐塞特里阿復取回荷蘭並

得彌爾尼王合為一屬國名曰尼達蘭設好司阿蘭治
鎮守以防佛蘭西侵奪第荷蘭與彌爾尼王雖同區而

音語教門迥異名合心離千八百三十年道光十年巴地果

生衅大戰旬月歐塞特厘阿鞭長莫及於是歐羅巴五

大國調停講和仍分兩國遂議彌爾尼王別立一王公

舉色斯哥麥之子厘阿波爾主之今英國女王王贊色斯哥麥國之王子為夫

即此國也即名其國曰彌爾尼王國建都於墨臘西爾斯轄

大部落者九荷蘭轄大部落十有二其荷蘭舊所奪東

洋之因里阿地葛雷巴島沙麻特拉島細利窪島文萊

島麻拉馬島哥羅曼尼島即在阿非里加洲之伊爾彌

俄爾果色諸地並其地駐防之水師船仍專歸荷蘭統

轄荷蘭向尊波羅特士頓教彌爾尼王向尊加特力教

今亦各仍其舊從茲分國不復名尼達蘭矣政事荷蘭

國都設色特底司衙門一仁尼臘爾衙門一在色特底

司供職者終身不易在仁尼臘爾供職者三年一易屆

期歲更三之一俟有熟手接代彌爾尼王國都設立南

那底衙門一厘勃力新撻底衙門一在西那底供職者

八年一更在厘勃力新撻底供職者四年一更二國未

分時其有兵六萬其各部落久作佛蘭西歐塞特里阿
兩國之戰場近分兩國各設額兵未詳其數荷蘭大小
戰船百三十隻火船四隻兩國賦稅歲征銀三百五十
萬圓戶六百萬三千五百七十八口分國後荷蘭得五
之三其國習勤儉精技藝善繪畫遇有乞丐卽送工作
房差使其不能工作者則令屏水無游民寡盜賊文學
以依臘斯毋士俄羅是阿斯爲最各村皆議義學彌爾
尼壬遜之河道三奈因河發源極遠經蟻爾那蘭由特
力治至獵達里部落西繆色河亦發源遠方自南至北

徑彌爾尼壬境內至休斯倫北與奈因河合流出海色
支爾河亦發源遠方經過彌爾尼壬諸部落至奄都注
而注之海歐羅巴洲有數大河皆由此出海故奄都注
最爲大市埠土產米麥豆蔴果大呢白紵布洋布鼻烟
菜油海鰵骨磁器煤鐵

荷蘭國十二部

北荷蘭部東北界海及由特力治西界南荷蘭南界
西蘭島及勒治墨那滿領小部落十有八
非利斯蘭部東界俄羅忍銀及阿委厘斯南界特凌

題西北界海領小部落二十

俄羅忍銀部東界耶瑪尼南界阿威厘斯西界非力

斯蘭北界海領小部落十有二

阿威厘斯部東界□□□南界特凌題西界非力斯

蘭北界俄羅忍銀領小部落十有一

特凌題部東界耶瑪尼西界海南界義爾那蘭北界

阿威厘斯領小部落二十有二

義爾那蘭部東界耶瑪尼西界海及由特力治南界

勒治墨那北界特凌題領小部落二十有四

由特力治部東界義爾那蘭南界勒治墨那滿西界

北荷蘭北界海領小部落八

南荷蘭部東界由特力治南界勒治墨那滿西界海

北界北荷蘭領小部落十有五

西蘭島部東界勒治墨那滿南界彌爾尼壬西界海

北界南荷蘭領小部落十

勒治墨那滿部東界耶瑪尼南界彌爾尼壬西界西

蘭島北界南荷蘭義爾那蘭領小部落二十有二

臨麥部東界耶瑪尼東南界彌爾尼壬西北界勒治

墨那滿領小部落十有二

勒心麥部東界耶瑪尼南界佛蘭西西北界彌爾尼

壬領小部落十有六

彌爾尼壬國九部

小墨那滿部東界臨麥南界希撓爾那摩西界依色

佛蘭那北界奄都注領小部落十有六

奄都注部東界臨麥西界依色佛蘭那南界小墨那

滿北界荷蘭領小部落十有八

依色佛蘭那部東界小墨那滿西界威色佛蘭那南

界希撓爾北界荷蘭領小部落十有七

威色佛蘭那部東界依色佛蘭那西界海南界佛蘭

西北界荷蘭領小部落十有六

臨麥部東界荷蘭西界奄都注小墨那滿南界里尼

北界荷蘭領小部落十

希撓爾部東界那摩南界佛蘭西西界威色佛蘭那

北界小墨那滿及依色佛蘭那領小部落十有九

那摩部東界尼里南界佛蘭西勒新麥西界希撓爾

北界臨麥及小墨那滿領小部落十有五

里尼部東界耶麻尼西界那摩南界勒新麥北界臨
麥領小部落二十有四

勒新麥部東界荷蘭南界佛蘭西西界那麻北界里
尼領小部落十有四

荷蘭國沿革原無今補

明史和蘭又名紅毛番地近佛郎機古不知何名永樂
宣德時鄭和七下西洋歷諸番數十國無所謂和蘭者
其人深目長鼻鬚眉髮皆赤足長尺二寸頤偉倍常萬
歷中福建商人歲給引往販大呢呂宋及交留巴者和

蘭人即就諸國轉販未敢窺中國也自佛郎機市香山

據呂宋佛夷惟市香山未嘗據呂宋據呂宋島者乃西洋

郎機所據也和蘭聞而慕之萬歷二十九年駕大艦攜

巨砲直薄呂宋呂宋人力拒之則轉薄香山澳澳中人

數詰問言欲通貢市不敢為寇當事難之稅使李道即

召其酋入城與遊處一月亦不敢聞於朝乃遣還澳中

人又慮其登陸力為防禦始引去海澄人李錦及奸商

潘秀郭震久居大泥與和蘭人習語及中華事錦曰若

欲通貢市無若漳州者漳南有澎湖嶼去海遠誠奪而

守之貢市不難成也其酋麻章郎曰守臣不許奈何曰
稅使高宗嗜錢甚若厚賄之彼特疏上聞天子必報可
守臣敢抗哉會曰善錦乃代爲大呢國王書一移案一
移兵備副使一移守將俾秀震齋以來守將陶拱聖大
駭亟白當事繫秀於獄震遂不敢入初秀與會約入閩
有成議當遣舟相聞而會卞急不能待卽駕二大艦直
抵澎湖時三十二年之七月汎兵已撤如入無人之墟
遂伐木築舍爲久居計錦亦潛入漳州偵探詭言被獲
逃還當事已廉知其狀并繫獄已而議遣二人諭其會

還國許以自贖且拘震與俱三人旣與會成約不欲自
彰其失第云我國尙依違未定而當事所遣將校詹獻
忠齋檄往諭者乃多攜幣帛食物覬其厚酬海濱人又
潛載貨物往市會益觀望不肯去當事屢使使諭之見
會語輒不競愈爲所慢而案已遣心腹周之範詣會說
以三萬金餽案卽許貢市會喜與之盟已就矣會總兵
施德政令都司沈有容將兵往諭有容負膽智大聲論
說會心折乃曰我從不聞此言其下人露刃相詰有容
無所懾盛氣與辨會乃悔悟令之範還所贈金止以哆

囉噠玻璃器及番刀番酒餽案乞代奏通市案不敢應而撫按嚴禁奸民下海犯者必誅由是接濟路窮番人無所得食十月末揚帆去巡撫徐學聚劾秀錦等罪論死遣戍有差然是時佛郎機橫海上紅毛與爭雄復泛舟東來攻破美洛居國與佛郎機分地而守後又侵奪臺灣地築室耕田久留不去海上奸民闌出貨物與市已又出據澎湖築城設守漸爲求市計守臣懼禍說以毀城遠徙卽許互市番人從之天啓三年毀澎湖所築城移舟去巡撫商周祚以遵諭遠徙上聞然其據臺灣

自若也已而互市不成番人怨復築城澎湖掠漁舟六百餘艘俾華人運土石助築尋犯廈門官軍禦之俘斬數十人乃詭詞求款再許毀城遠徙而修築如故已又泊舟風櫃仔出沒浯嶼白坑東椗莆頭古雷淇嶼沙洲甲洲間要求互市而海寇李旦復助之濱海郡邑爲戒嚴其年巡撫南居益初至謀討之上言臣入境以來聞番船五艘續至與風櫃仔船合凡十有一艘其勢愈熾有小校陳士瑛者先遣往交留巴宣諭其王至三角嶼遇紅毛船言交留巴王已往阿南國因與士瑛偕至大

海國圖志卷之三十六 西國
呢謁其王王言交留巴國主已大集戰艦議往澎湖求
互市若不見許必致構兵蓋阿南卽紅毛番國而交留
巴大呢與之合謀必不可以理論爲今日計非用兵不
可因列上調兵足餉方略部議從之天啟四年正月遣
將先奪鎮海港而城之且築且戰番人乃退守風櫃城
居益增兵往助攻擊數月寇猶不退乃大發兵諸軍齊
進寇勢窘兩遣使求緩兵容運米入舟卽退去諸將以
窮寇莫追許之遂揚帆去獨渠帥高文律等十二人據
高樓自守諸將破擒之獻俘於朝澎湖之警以息而其

據臺灣者猶自若也崇禎中爲鄭芝龍所破不敢窺內
地者數年乃與香山佛郎機通奸私貿外洋崇禎十年
駕四舶由虎跳門薄廣州聲言求市其酋招搖市上好
民視之若金穴蓋大姓有爲之主者當道鑒壕境事議
驅斥或從中撓之會總督張鏡心初至力持不可乃遁
去已爲姦民李葉榮所誘交通總兵陳謙爲居停出入
事露葉榮下吏謙自請調用以避禍爲兵科凌義渠等
所劾坐逮訊自是姦民知事終不成不復敢勾引而番
人猶據臺灣自若其本國在西洋者去中華絕遠華人

未嘗至其所恃惟巨舟大砲舟長三十丈廣六丈厚二尺餘樹五桅後爲三層樓旁設小窗置銅砲桅下置二丈巨鐵砲發之可洞裂石城震數十里世所傳紅夷砲卽其製也然以舟大難轉或遇淺沙卽不能動而其人又不善戰故往往挫衄其所役使名烏鬼入水不沉走海若平地其舵後置照海鏡大徑數尺能照數百里其人悉奉天主教所產有金銀琥珀馬瑙玻璃天鵞絨瑣服哆囉噠國土旣富遇中國貨物常意者不惜厚資故華人樂與爲市

皇清四裔考荷蘭俗稱紅毛番亦曰紅夷在西北海中西北與佛朗機接去中國水程五萬餘里其國有大山名那蘭山山麓建城名那蘭城其國受 朝勅稱王名列外服其臣下官爵見於奉使者亦有戶部官總兵官等名俗奉天主教與英吉利同性強悍好爭雄所恃惟巨舟大礮明萬曆中荷蘭來侵呂宋泊香山澳入澎湖嶼尋據臺灣又與葛刺巴合將入澎湖求互市明發兵擊敗之崇禎十年復爲明將鄭芝龍所破餘衆猶據臺灣教習土番耕作築平安赤嵌二城以自固順治九

年鄭成功寇鎮江敗歸謀取臺灣會荷蘭通事何斌逋夷負遁投成功說成功以水師從鹿耳門入與荷蘭相持久荷蘭戰屢敗棄臺灣走十年廣東巡撫奏報荷蘭願備外藩謹修職貢十三年六月齎表朝貢經禮部議覆應五年一貢貢道由廣東入 詔改八年一貢以示柔遠康熙三年大兵渡海攻鄭錦等進充廈門荷蘭國率舟師助勦以夾板船乘勢追擊斬首千餘級遂取浯嶼金門二島事由靖南王耿繼茂奏聞 賜國王文綺白金等物先是二年六年入貢有刀劍八皆可屈伸

馬四鳳膺鶴脛迅速異常二十五年獻方物請定進貢限期五年一次又貢船例由廣東入但廣東路近而泊地險福建路遠而泊地穩嗣後請由福建入部議應如所請是年定減荷蘭貢額乾隆元年裁減荷蘭稅額

諭曰朕聞外洋紅毛夾板船到廣時泊於黃浦輸稅之法海船按梁頭徵銀二千兩左右再按則抽其貨物之稅此向例也近於額稅之外將伊所携置貨現銀另抽加一之稅名曰繳送與舊例不符非朕嘉惠遠人之意着查例裁減並宣諭各夷知之荷蘭故居西北地號

西隴去中國甚遠自通市後常占居葛刺巴地事詳葛刺巴傳乾隆六年閩浙總督策楞奏稱西隴爲荷蘭祖家去噶喇巴甚遠所謂西隴者當卽西洋故地荷蘭雖占居噶喇巴而荷蘭之名久通朝貢故仍其故號云

海錄荷蘭國在佛朗機西北疆域人物衣服俱與西洋同唯富家將死所有家產欲給誰何必先呈明官長死後卽依所呈分授雖給親戚朋友亦聽若不預呈則必籍沒雖子孫不得守也原奉天主教後因寺僧滋事遂背之然仍立廟宇亦七日禮拜死則墓于墳園國王已

絕嗣羣臣奉王女爲主世以所生女繼今又絕國中不復立王唯以四大臣辦理國政有死者則除其次如中國循資格以次遷轉不世襲所屬各埠各島雖在數萬里之外悉遵號令無敢違背亦以天主教紀年國中所用銀錢爲人形騎馬舉劍謂之劍錢亦有用紙鈔者土產金銀銅鐵琉璃哆羅絨羽紗嗶嘰番靚酒鐘表羽紗琉璃甲于諸國

伊宜國在荷蘭北疆域較布路亞稍狹由荷蘭向北行約七八日可到風俗土產與布路亞同

此卽所謂彌爾尼王國也與荷

南連疆域始合終分奉
加特力教與荷蘭異

盈蘭尼士國在伊宣西北疆域風俗土產與伊宣同由
伊宣沿海向北少西行約旬餘可到

亞里披華國在盈蘭尼士東其南與佛朗機毘連由盈
蘭尼士向東少北行約數日到人頗豪富男子所穿衣
較布路亞稍長女人以巾裹頭連下頷包之頭戴一圈
平頂插以花其額圍以珠翠亦與布路亞稍異云

壬頗輦國在亞里披華東北風俗疆域土產畧同其伊
宣盈蘭尼士亞里披華壬頗輦各國交界處有地名郎

瑪眾建一廟禮拜者日無隙晷是布路亞呂宋佛朗機

伊宣壬頗輦雙鷹單鷹七國所共奉祀盈蘭尼士亞哩

披華二國則不拜

四洲地里志佛蘭西布路亞大呂宋
俱尊加特力教此廟必是也其不拜

者殆與荷蘭均
奉波羅士持教

貿易通志曰荷蘭國沿海有大港口自古專務貿易其

通商自順治康熙年間甚盛於今漸衰所載出者為牛
油酥餅丹參麻子麻布酒等進口者各南洋之貨道光
十年國都進口之船千有九百九十四隻進口貨賈千
五百萬員出者千四百萬員國帑虧空故重徵餉稅甚

塞通商之路南有羅得坦埠頭道光八年進口船二千零八十五隻其餘海口各港各埠羸縮不等職方外紀法蘭得斯在亞勒馬尼之西南地不甚廣人居稠密有大城二百八十小城六千三百六十八其學三所一學分二十餘院人情俱樂易溫良最好談論善謳歌其婦人與人貿易無異男子顧其性極貞潔能手作錯金絨不煩機杼西洋布最輕細者皆出此地

海國圖志卷二十七

歐羅巴人原撰

候官林則徐譯

大西洋

歐羅巴洲

邵陽魏源重輯

佛蘭西國總記

卽佛郎機一作佛朗西一作佛蘭祭一作法蘭西一作荷蘭西

佛蘭西國古曰俄爾北與英吉利對峙僅隔一港并近荷蘭東界耶瑪尼國瑞國意大里國南抵海並比利里山西抵大洋四圍非山卽海形勢崎嶇先屬意大里亞始學文字故尊加特力教嗣因耶瑪尼率師來侵意大

里不能援救自此佛蘭西不屬意大里亞節制自立國
稱王建都於巴立斯迨渣爾馬額里王沒後諸子爭位
分爲數國至珂加昆王始復竝爲一至今爲歐羅巴洲
富強之國惟與英吉利不睦世尋兵戈政事設占馬阿
富衙門一所官四百三十員由各部落互相保充如英
國甘文好司之例審訊衙門三百六十所官三千員舊
日官皆世襲擅賦稅調人丁政多紊亂後遂裁革世職
路陸步軍武官九千五百有五員領步兵二十四萬四
千有百名騎軍武官二千八百有五員領騎兵五萬一

千三百名火器營武官千九百五十員領火器兵三萬
二千五百九十四名水師大小戰船百有十火船十有
七小船百三十有三俗向奢華虛文鮮實精技藝勤貿
易商船萬四千五百三十河道四羅牙河發源布羅溫
斯至南底斯西隅出海倫河發源沙綏蘭之潯倫冰雪
至布羅溫斯南隅出海新河發源麻良里至英吉利分
界港口出海來因河發源柔查底湖至荷蘭出海土產
羽毛紗鐘表紗呢絨氈地氈夏布棉布糖棉花葡萄酒
鹽蠶鐵錫銀鉛銅白礬煤火石水晶玻璃陶器

佛蘭西國 東界瑞國意大里西界海南界大呂宋北界荷蘭彌爾尼壬 幅員二十

一萬五千七百方里戶二千九百二十一萬七千口

大部落八十一小部落五百三十俱奉加特力教

西尼愛西部 東界西耶嗎尼南界內匿西界由厘內野北界愛栖 領小部落八

其首部日巴利斯印國都也原本佛蘭西國各部落內所領小部亦止載一首部餘俱未詳

洼部 東南界海北界羅阿付西界里倫 領小部落十

羅阿付部 東界意大里西界隔南界注北界海及阿爾付斯 領小部落六

海阿付部 東界意大里西界特林南界羅阿付北界依西里 領小部落四

依西爾部 東界意大里西界倫菴內里南界海及阿付特林北界引 領小部落十

有一

引部 東界意大里亞南界依西爾西界倫菴內里北界由那 領小部落四

由那部 東界瑞國南界引西界順尼奄內里北界萊斯 領小部落八

萊斯部 東界瑞國西南界由拉北界阿巴順尼 領小部落四

阿巴臘引部 東界瑞國南界萊斯西界窩斯尼北界羅拉引 領小部落五

磨西里部 東界羅那引南界繆地西界繆西西北界羅拉引 領小部落六

繆地部 東界羅拉引南界窩斯尼西界繆西北界磨西爾里 領小部落四

窩斯尼部 東界阿巴那引南界阿巴順西界阿巴那引南界萊斯 領小部落六

阿巴順部 東界阿巴那引南界萊斯西界葛羅北界窩斯尼 領小部落六

特林部 東界海阿付南界高西 領小部落七

高部 東界阿爾付南界里倫 西界希律北界阿里支 領小部落七

里倫部 東界注南界 海西北界高 領小部落六

阿里支部 東界特林西界羅西里 南界高北界倫菴內里 領小部落二

倫菴內里部 東界依栖里南界阿巴內里 西界稗里林北界順菴內里 領小部落

四

順菴內里部 東界由那南界倫菴內里 西界阿里野北界葛羅 領小部落七

葛羅部 東界由那南界順菴內里 西界潤尼北界阿巴麻尼 領小部落六

阿巴麻尼部 東界窩斯尼南界葛羅 西界歐敏北界繆西 領小部落六

藐栖部 東界繆地南界阿巴麻 西界麻尼北界荷蘭 領小部落八

阿鄰尼斯部 東界繆栖南界麻尼西 界埃斯尼北界荷蘭 領小部落九

麻尼部 東界繆栖南界歐敏西 西尼菴麻北界阿隣尼斯 領小部落七

歐敏部 東界阿巴麻尼南界潤尼 西界西尼菴麻北界麻尼 領小部落六

潤尼部 東界葛羅西界內匿南 界奈威里北界歐米 領小部落十

奈威里部 東界順菴內里南界阿 里野西界借北界潤尼 領小部落七

阿里野部 東界順菴內里南界稗離 林西界借北界奈威里

阿巴內里部 東界阿里支南界羅西里 西界干代北界倫菴內里 領小部落四

羅西厘部 東界阿里支西界阿威倫南 界希老爾北界阿巴內里 領小部落四

希老爾部 東界高南界海西 領小部落六

阿威倫部 東界羅西里南界且 領小部落六

干代部 東界阿巴內里南界阿倫威 領小部落六

稗厘林部 東界倫里內厘南界干代 領小部落六

伊塞稗厘尼部 東界海西南界大 領小部落六

歐里部 東界海西界阿里尼南 領小部落六

且部 東界希老爾西界阿巴牙倫 領小部落六

阿里尼部 東界歐里南界大呂宋 領小部落三

阿巴牙倫尼部 東界阿里尼南界大呂宋西 領小部

落七

離律部 東界阿威倫西界律菴牙倫尼 領小部落九

戈立栖部 東界干代南界離律西 領小部落六

格流栖部 東界稗厘林南界戈立栖西 領小部落五

借部 東界奈威里南界阿厘野西 領小部落六

內匿部 東界潤尼西界阿厘野 領小部落八

西尼菴麻尼部 東界麻尼南界內匿西界 領小部落

六

埃斯尼部 東界阿隣尼斯西界愛栖南 領小部落九

離那刺部 東界荷蘭南界埃斯尼西界 領小部落八
斯特力阿付加部 東界離那刺西界海南 領小部落

七
新敏部 東界埃斯尼南界愛栖西 領小部落七
界海北界斯特力阿付加

愛栖部 東界埃斯尼南界西尼愛栖 領小部落七
西界羅洼西尼北界新敏

羅洼西尼部 東界愛栖南界西 領小部落十一
尼愛栖西北界海

由厘部 東界西尼愛栖南界由厘內野 領小部落七
西界加洼羅司北界羅洼西尼

由厘內野部 東界西尼愛栖南界內野 領小部落七
菴借西界阿尼北界由厘

內野菴借部 東界內野西界英特厘菴內野 領小部
南界英特厘北界由厘內野

落七

英特厘部 東界借南界格流栖西界 領小部落六
威引尼北界內野菴借

海稗厘尼部 東界阿巴牙倫尼南界大呂宋 領小部
西界羅稗厘尼司北界離雅司

落四

羅稗厘尼部 東界海稗厘尼西南皆 領小部落五
界大呂宋北界蘭特司

離雅斯部 東界阿巴牙倫尼西界蘭特司 領小部落
南界海及稗厘尼北界牙倫尼

八

蘭特司部 東界離雅司南界羅稗厘 領小部落十
尼西界海北界雅倫尼

律菴牙倫尼部 東界離律南界離雅司西 領小部落
界雅倫尼北界羅龍

六

雅倫尼部

東界羅龍南界蘭特司西界海北界羅注渣隣底

領小部落九

龍羅部

東界戈立栖南界律菴雅倫尼西界雅倫尼北界渣隣底

領小部落八

阿巴威引尼部

東界格流栖南界戈立栖西界雅倫尼北界渣隣底

領小部落

五

渣鄰底部

東界阿巴引威尼南界羅龍西界羅注渣鄰底北界威引尼

領小部落

五

威引尼部

東界英特厘南界渣隣底西界都西威方斯北界英特厘菴內野

領小部

落五

部落六

英特厘菴內野部

東界內野菴借南界威引尼西界麻引尼內野北界沙底

領小

沙底部

東界內野菴借南界英特厘菴內野西界麻引尼北界荷尼

領小部落四

荷尼部

東界由厘南界荷尼西界贊尼爾北界加爾注羅

領小部落七

加爾注羅部

東界由尼南界荷尼西界贊尼爾北界海

領小部落八

贊尼爾部

東界加爾羅注南北界海西界伊厘菴威嶺

領小部落九

麻引尼部

東界沙底南界麻引尼菴內野西界伊厘菴威嶺尼北界荷尼

領小部落

七

麻引尼庵內野部

東界英特厘菴內野南界都西威力西界羅注內野北界麻引尼

領小部落七

都西威力部 東界威引尼南界渣隣底部西界威引利北界麻引尼菴內野 領小部

落十

羅洼渣隣底部 東界渣隣底部南界雅倫尼西界海北界威引利 領小部落六

伊厘唵威領尼部 東界麻引尼南界羅洼內野西界摩敏寒北界海 領小部

落六

那刺果部 東界伊厘唵威領尼南界摩敏寒西界非尼斯底里北界海 領小部落

七

摩敏寒部 東界伊厘唵威尼南界海西界非尼底里北界那刺果 領小部落七

非尼底里部 東界都西威利南界羅洼渣隣底部西界威引利北界伊厘唵威領尼 領小

部落二

羅臘引部 東界綏沙蘭南界阿巴拉引西界繆地北界荷蘭敏爾尼王 領小部落

八

羅洼內里部 東界麻引尼菴內野西界海南界威引利北界伊厘唵威領尼 領小部

落八

威引利部 東界都西威力司西界海南界羅洼渣隣底部北界羅洼內野 領小部落

七

佛蘭西國沿革 原無今補

職方外紀拂郎祭卽佛蘭西國在倚西把尼東北南起
四十一度北至五十度西起十五度東至三十一度周
一萬一千二百里地分十六道屬國五十餘其都城名
把理斯設一其學生徒嘗四萬餘人併他方學共有七
所又設社院以教貧士一切供億皆王主之每士計費
百金院居數十人共五十五處中古有一聖王名類斯
者惡回回佔據如德亞地與兵伐之始制大銃因其國
在歐羅巴內回回遂概稱西土人爲拂郎機而銃亦沿
襲此名是國之王天主教特賜寵異自古迄今之主皆賜

一神能以手撫人癰瘡應手而愈至今其王每歲一日
療人先期齋戒三日凡患此疾者遠在萬里之外預畢
集天主殿中國王舉手撫之祝曰王者撫汝天主教汝
撫百人百人愈撫千人千人愈其神愈如此國王元子
別有土地供其祿食不異一小王他國不爾也國土極
膏腴物力豐富居民安逸有山出石藍色質脆可鋸爲
板當瓦覆屋國人性情溫爽禮貌周全尙文好學都中
梓行書籍繁盛甚有聲聞又奉教甚篤所建瞻理天主
與講道殿堂大小不下十萬初傳教於此國者原係如

德亞國聖人辣雜瑛乃當時已死四日蒙耶穌恩造命之復活卽此人也

案明史在此書之後并不知據此爲藍本而云國近滿刺加竟不知爲大

西洋明人
荒陋至此

明史佛郎機近滿刺加古不知何國

案滿刺加乃暹羅南境明季爲佛郎

機所據送誤以大西洋爲南洋相去數萬里明史舛甚

永樂時海外諸邦通中國

者以百數亦未有其名自正德中據滿刺加地逐其王十三年正月遣使臣加必丹未等貢方物請封詔給方物之直遣之還其人久留不去剽劫行旅至掠小兒爲食已而資緣鎮守中貴許入京武宗南巡其使火者亞

三因江彬侍帝左右帝時學其語以爲戲其留懷遠驛者益掠賈良民築室立寨爲久居計十五年十二月御史邱道隆言滿刺加乃勅封之國而佛郎機敢併之且陷我以利邀求封貢决不可許宜却其使臣明示順逆還滿刺加疆土方許朝貢倘執迷不悛必檄告諸番聲罪致討御史何鰲言佛郎機最凶狡兵械較諸番獨精前歲駕大舶突入廣東會城砲聲殷地留驛者違制交通入都者桀驁爭長今聽其往來貿易勢必爭鬪殺傷南方之禍殆無紀極祖宗朝貢有定期防有常制故來

者不多近因布政吳廷舉謂缺上供香物不問何年來
即取貨致番舶不絕於海滋蠻人雜逮於州城禁防既
疎水道益熱此佛郎機所以乘機突至也乞悉驅在澳
番舶及番人潛居者禁私通嚴守備庶一方獲安疏下
禮部言道隆先宰順德鰲卽順德人故深晰利害宜俟
滿刺加使臣至廷詰佛郎機侵奪鄰邦擾亂內地之罪
奏請處置其他悉如御史言報可亞三侍帝驕甚從駕
入都居會同館見提督主事梁焯不屈膝焯怒撻之彬
大詬曰彼嘗與天子嬉戲肯跪汝小官耶明年武宗崩

亞三下吏自言本華人爲番人所使乃伏法絕其朝貢
其年七月又以接濟朝使爲詞携土物求市守臣請抽
分如故事詔復拒之其將別都盧旣以巨砲利兵肆掠
滿刺加諸國橫行海上復率其屬疎世利等駕五舟擊
破巴西國嘉靖二年遂寇新會之西草灣指揮柯榮百
戶王應恩禦之轉戰至稍州向化人潘丁苟先登衆齊
進生擒別都盧疎世利等四十二人斬首三十五級獲
其二舟餘賊復率三舟接戰應恩陣亡賊亦敗遁官軍
得其砲卽名爲佛郎機副使汪鋐進之朝九年秋鋐累

官右都御史上言今塞上墩臺城堡未嘗不設乃寇來輒遭蹂躪者蓋墩臺止瞭望城堡又無制遠之具此所以往往受困也當用臣所進佛郎機其小止二十斤以下遠可六百步者則用之墩臺每墩用其一以三人守之其大至七十斤以上遠可五六里者則用之城堡每堡用其三以十人守之五里一墩十里一堡大小相依遠近相應寇將無所容足可坐收不戰之功帝悅卽從之火砲之有佛郎機自此始然將士不善用迄莫能制寇也初廣東文武官月俸多以番貨代至是貨至者寡

有議復許佛郎機通市者給事中王希文力爭乃定令諸番貢不以時及勘合差失者悉行禁止由是番舶幾絕巡撫林富上言粵中公私諸費多資商稅番舶不至則公私皆窘今許佛郎機互市有四利焉祖宗時諸番常貢外原有抽分之法稍取其餘足供御用利之兩粵比歲用兵庫藏耗竭藉以充軍餉備不虞利二粵西素仰給粵東小有徵發卽措辦不前若番舶流通則上下交濟利三小民以懋遷爲生持一錢之貨卽得展轉販易衣食其中利四助國裕民兩有所賴此因民之利而

利之非開利孔爲民梯禍也部議又從之自是佛郎機
得人香山澳爲市而其徒又越境商於福建往來不絕
至二十六年朱統爲巡撫嚴禁通番其人無所獲利則
整衆犯漳州之月港浯嶼副使柯喬等禦却之二十八
年又犯詔安官軍迎擊於走馬溪生擒賊首李光頭等
九十六人餘遁去統用便宜斬之怨統者御史陳九德
遂劾其專擅帝遣給事中杜汝禎往驗言此滿刺加商
人歲招海濱無賴之徒往來鬻販無僭號流劫事統擅
自行誅誠如御史所劾遂被逮自殺蓋不知滿刺加卽

佛郎機也自統死海禁復弛佛郎機遂縱橫海上無所

忌而其市香山澳壕鏡者至築室建城雄踞海畔若一

國

此澳門有西洋夷屋之始然佛郎機旋去澳不居非今日之澳夷也

將吏不肖者反視

爲外府矣壕鏡在香山縣南虎跳門外先是暹邏占城

爪哇琉球淳泥諸國互市俱在廣州設市舶司領之正

德時移於高州之電白縣嘉靖十四年指揮黃慶納賄

請於上官移之壕歲輸課二萬金佛郎機遂得混入高

棟飛甍櫛比相望閩粵商人趨之若鶩久之其來益衆

諸國人畏而避之遂專爲所據四十四年僞稱滿刺加

入貢已改稱蒲邨麗家守臣以聞下部議言必佛郎機
假託乃却之萬歷中破滅呂宋盡擅閩粵海上之利勢
益熾明年番禺盧廷龍入都請盡逐澳中諸番出居浪
白外海還我濠鏡故地當事不能用番人既築城聚海
外雜番廣通貿易至萬餘人吏其土者皆畏懼莫敢詰
甚有利其寶貨伴禁而陰許之總督戴耀在事十三年
養成其患而不問番人又潛匿倭敗敵殺官軍四十二
年總督張鳴岡檄番人驅倭出海因上言粵之有澳夷
猶疽之在背也澳之有倭賊猶虎之傳翼也今一旦驅

斥不費一矢此聖天子威德所致惟是倭去而番尙存
有謂宜勦除者有謂宜移之浪白外洋就船貿易者顧
兵難輕動而濠鏡在香山內地官軍環海而守彼日食
所需咸仰於我一懷異志我卽制其死命若移之外洋
則巨海茫茫奸究安詰制禦安施似不如申明約束內
不許一奸闖出外不許一倭闖入無啟釁無弛防相安
無患之爲愈也部議從之居三年設參將於中路雍陌
營調千人戍之防禦漸密天啟元年守臣慮其終爲患
遣監司馮從龍等毀其所築青州城番亦不敢拒其時

大西洋人來中國亦居此澳今稱澳夷為大西洋國始此其實名葡萄亞也澳夷

見明史者只此一語由外國傳中本立蓋番人本求市

易初不無軌謀而中朝疑之過甚迄不許其朝貢又無

力以制之故議者紛然然終明之世此番故未嘗為變

也其人長身高鼻貓睛鷹嘴拳髮赤鬚好經商恃強陵

轢諸國無所不往後又稱干系臘國所產多犀象珠貝

衣服華潔貴者冠賤者笠見尊長輒去之初奉佛教後

奉天主教市易但伸指示數雖累千金不立約契有事

指天為誓不相負自滅滿刺加巴西呂宋三國海外諸

番無敢與之抗者

暹清四裔考佛郎機一名和蘭西亦紅毛番種也東與

荷蘭接其國都地名巴離土至中國水程五萬餘里從

羅令山峽出口境絕險風俗略同和蘭英吉利諸國順

治四年八月廣督佟養甲疏言佛朗機國人寓居壕境

澳門與番商互市於明季已有歷年後因深入省會遂

飭禁止請嗣後仍準番舶通市自是每歲通市不絕惟

禁入省會其族種有居呂宋者詳呂宋傳來粵互市或

從其本國或從呂宋國至云此誤以呂宋為佛郎機詳見於前

海國圖志卷二十七大西洋
每月統紀傳曰法蘭西國東連阿理曼國西及大西洋
西班牙國南及地中海意大理國北及英吉利海峽比
利潤國廣大六百二十萬正方里分八十六部落田十
萬三千有餘頃園山林萬八千有餘頃歲出土產約
價銀九萬三千五百七十四萬員戶三千二百五十萬
口馬二百十七萬隻牛六百九十七萬隻羊四百五十
萬隻歲出葡萄酒價銀約萬有六千萬員絲繭足用有
餘織綢緞極精巧道光四年所載出之貨物約價銀八
千八百七萬員入價九千九十七萬員巨戰艦三十六

隻中戰艦三十五隻火丹輪八隻各項水師船百有八
十六隻水師武官梢手其萬有四千九百商船梢手三
十二萬八千營兵二十三萬歲入國帑銀二千五十四
萬員出二千七十萬員常中國漢代前此國土蠻強梗
化外攻鄰焚掠於是羅馬國總帥領精兵奮擊平服蠻
族方以其邦爲本國屬部調理野人漸漸向化遵其律
例齊明帝二年土酋擊收羅馬之兵創立新國旋進天
主教立廟建殿傳至苗裔三百年間惟耽聲色委政臣
下有臣曰銳者敏智雄豪當回回侵國時舉國震恐惟

鎚領率士民血戰三日破走敵寇其孫甲利泰甫於唐

德宗六年登位才德出眾創立法制為四國風俗之表

率且東界土蠻疊侵甲利率兵深入山林與土蠻鏖戰

敗其十分之二甲利正欲結和而羅馬之教皇意大里亞為天主

主教之宗國稱曰教皇凡西洋各國王即位必得教皇札付而後立遣使來約必除蠻酋

以淨根株甲利遂進擒蠻王禁之隱修院復進攻回回

之族遇伏敗還退值世子作亂東蠻悖叛甲利旋師奮

虜囚千五百人發怒糜爛之以懲叛黨自赴羅馬國都

與教皇定議遂為西朝之君此意大里教皇冊立之為國王也禮賢與

學文教日進其所建之殿所創之邑所造之路至今遺

蹟尚留及崩後諸子分國戰爭國中五爵各自擅權故

王威福由是廢替在宋朝時西國之民赴猶太國觀救

世主耶穌所活之地又拜聖墓住彼聖城回回族惡之

將天主教門之信士禁監勒索甚者殺戮之于是五爵

激烈盡起國兵攻擊回國且鄰邦協力共取聖城國王

反乘其遠出籍其家產人心遂離及宋理宗二年路易

王登位兵政由舊判事明允人心悅服國帑充盈拒破

英吉利之兵復領舟師攻破回回名揚四海適侵敵國

全軍瘟疫進退兩難爲敵所獲贖還歸國益發憤修政
克保令終嗣王復戰勝英吉利恃勝而驕國政混亂民
懷異志垂及百年國瀕危殆忽有童女高聲苦勸庶民
效死出力驅逐叛逆法蘭西王卽合諸侯增兵士發新
教賢女又宣曰必改邪歸正自拔流俗始蒙上帝之祐
于是法蘭西國捕焚新教廣布善教明武宗正德年間
阿里曼國王足智多謀連年交戰法蘭西王被其所虜
王歸復與他國結盟報復勝負相當末年始彼此寢兵
嗣王屏棄正教惡徒乘機株累無辜國危民困顯理王

於萬曆二十五年戰勝登位發奮自修廣布仁惠復興

正教百姓歸之爲邪教之黨所弑

每月統紀傳曰正德嘉靖隆慶等年間法

蘭西國良民進正教而匪徒攪擾之覺隙仇殺不止明嘉靖三十一年顯理王生自幼不憚寒暑驅馬試劍操練武藝伏拜救世主耶穌其始封本國福小介西班牙法蘭西兩國間自卽位後心烈性良巡國平訟歛薄立法於是天主邪教之僧日思毀除正教之黨設謀肆毒請顯理赴法蘭西京都結親娶公主禮成合卺夜忽鐘鳴邪黨蜂擁而人殺正教之人顯理匿身床下避難法蘭西王后遂引誘之縱情淫佚四年內惟耽樂是從忽然覺悟而逃率正教之黨統兵攻擊互有勝負當時法蘭西王統袴無謀兵敗被弑顯理自立雖殉於貨色然執法如山律例千條萬緒一一明析十四年中國泰民安惟邪教僧百討設謀而欲害王乘一日王車入街前後簇擁陰伏刺客樞王之胷百姓哀喪考妣時明萬曆三十七年也
嗣王男形女性不親

海國圖志卷之二十一 大西洋
政事信用匪人五爵百姓咸戰慄及王崩世子接位好
武用兵諸國來朝驕傲凌辱故列君怨之糾軍協攻法
蘭西國王憤辱而崩是時國家其虧欠銀九千萬員當
康熙五十三年其孫登位縱情背理喪心滅耻佞臣媚
妓弄權奢用公錢弁兵收散國帑空虛新王嗣位是時
北方亞墨里加之民與英吉利國交戰王助亞墨里加
戰勝然其餉銀漸減故招爵僧民三品會集以尋聚斂
之法國民棄王弑之七年國政混亂有臣曰那波利稔
者武功服衆嘉慶八年登王位連九年戰服四方恃強

黷武旋敗失位前王之苗裔復立民暫安息及弟嗣位
復激民變逐王而別擇親屬以登位道光十年新王創
立國家受諫寬仁百姓安堵論西國之權柄大有勢力
我英吉利國爲第一俄羅斯國爲第二法蘭西國爲第

三焉

原無
今補

又曰法蘭西那波利稔王初爲總帥時國王使驅逐奧
士地喇之軍出意大理國境維時法蘭西軍乏錢糧缺
兵械又未訓練那波利稔鼓舞將士整頓紀律乘敵未
設備突然攻之躬親督戰麾兵衝擊戰勝凱旋爲國主

所忌遂領兵三萬駕戰船離國至麥西地方乃都耳基之藩屬國也其士兵竭力抵禦終不能勝遂為法蘭西總帥所據自恃善戰既絕本國謂可自開新地適英吉利之師船來助土人擊法蘭西巨艦火藥轟發為英所敗於是退兵嘉慶三年復還國都結黨握權除國之五主藉新號專政事時國帑甚空民心未服而那波利稔恃其兵力與其才智且國之首領皆其所轄設造新律改正紀綱國中匪徒畏那波利稔之嚴陰謀殺之皆事敗誅死是時鄰敵尋釁來攻那波利稔引精兵潛出山

後間道突襲其後敵兵驚潰諸國無敵獨英吉利人與

為仇隙再三水戰互有勝負彼此勸和西國咸寧

舊無今補

又曰法蘭西國王那波利稔即位與英吉利仇隙論飭

諸港口逐英吉利之船嚴禁通商欲以窘迫英國英國

之水師再三竭力燒其戰船法蘭西復與俄羅斯及他

國結盟募兵五十萬每十萬兵給錢糧銀六十萬員於

嘉慶九年出師來攻英軍拒擊敗其大半三國排陣相

抵隨結和而退法蘭西之戰船又與西班牙戰艦合英

吉利水師將又破散之法蘭西又與破魯斯國結釁隙

損兵折將法蘭西軍保守堅城嗣後與俄羅斯國王會盟結好一理東方一統西方當是時西班牙之國王世子悖命且佞臣弄權故法蘭西王召其父子君臣至國執而廢之以國封弟西班牙民不服招英吉利之軍助其戰守驅逐敵軍嘉慶十三年佛蘭西復領兵侵西班牙內地土民降服法軍凱旋娶敵國之公主爲后遂諭阿里曼諸國仰之若共主法蘭西之武勢益廣心志益侈聯合諸屬國各領其兵士共五十萬欲攻服俄羅斯俄羅斯軍已退避不意上帝降災大風凜冽霧雪如山

法蘭西諸軍凍死者十有九遁回後又募兵攻阿里曼之國諸侯皆苦其暴酷破魯斯王拒敵歐羅巴列國合而攻之互有勝負卒後法軍敗散諸國合兵伐之法蘭西王失國嘉慶十八年避於小嶼創立新國日夜思復仇寢食皆廢猝回法蘭西國逐其新王惟上帝不祐復爲英吉利破魯斯兩軍擊敗於是法蘭西舊王復立禁放波利稔王于遠嶼欲逃不得道光元年憤恨而死論其才能非不出類超衆惟佳兵好戰以至於亡

舊無今補。波

利稔一作破稔翁

額斯徐海防餘論曰佛蘭西地廣人多旗號純白可與英吉利抗衡自古有大仇不能解釋每二三十年爭戰一次每戰輒數年而後各國爲之講解罷息近來與荷蘭連結改旗號紅白藍三色而豎用荷蘭國旗則三色橫用

海島逸志曰勃蘭西居於西北海與和蘭英圭黎鼎峙爲鄰其狀貌衣服器用並同惟字跡言語則異性甚強悍少經商之徒所以罕至葛留巴者和蘭每受紅毛欺凌則倚以爲助勃蘭西國大人衆英圭黎所畏懼也

貿易通志曰佛蘭西國其西港口曰波爾多每年商船出口二千九百三十八隻道光八年貨價三百七十八萬員其南港口曰馬耳西利道光十二年海關徵稅六百萬員有奇通計國中大小各船插佛蘭西旗者共計八萬二千三百九十八隻載三千餘石水手三十五萬八千人外國船進其口者三千三百八十二隻道光十一年國中進口貨價萬四千七百萬員出口員價萬二千九百萬員

